



趙城縣廣勝寺

大宋新譯三藏聖教序

太宗神功聖德文武皇帝製

恒

大矣哉我佛之教也化導群迷闡揚
 宗性廣博宏辯英音莫能究其旨精
 微妙說庸愚豈可度其源義理幽玄
 真空莫測包括萬象譬喻無垠綜法
 網之紀綱演無際之正教拔四生於
 苦海譯三藏之祕言天地變化乎陰
 陽日月盈虧乎寒暑大則說諸善惡
 細則比於恒沙含識萬端弗可盡述
 若窺像法如影隨形離六情以長存
 歷千劫而可久須彌納藏於芥子如
 來坦蕩於無邊達磨西來法傳東土
 宣揚妙理順從指歸彼岸菩提愛河
 生滅用行於五濁惡趣拯溺於三業
 途中經垂世以難窮道無私而永泰
 雪山貝葉若銀臺之耀日歲月煙蘿
 起香界之自遠巍巍罕測杳杳難名
 所以道資十聖德被三賢至道起於
 乾元衆妙生乎太易摠繁形類竅鑿
 昏明絕彼是非開茲蒙昧有西域法
 師天息災等常持四忍早悟三乘翻

貝葉之真詮續人天之聖教芳猷重啓
 運偶昌時潤五聲於文章暢四始於
 風律堂堂容止穆穆輝華曠劫而昏
 墊重明玄門昭顯軌範而彌光妙法
 淨界騰音利益有情俱登覺岸無成
 障礙救諸疲羸冥昧慈悲浩汗物表
 柔伏貪恨啓滌昏愚演小乘聲聞合
 其儀論大乘正覺立其性合靈悟而
 蒙福藏教缺而重興幻化迷途火宅
 深喻雖設其教不知者多善念生而
 無量潛臻惡業興而隨緣皆墮調
 御四衆積行十方樹華雨於金輪護
 恒沙於玉闕有頂之風不可壞無際
 之水弗能漂澄寂湛然圓明清淨之
 智慧性空無染妄想解脫之因緣可
 以離煩惱於心田可以得清涼於宇
 宙朕慙非博學釋典微闕豈堪序文
 以示來者如糜瑩燭火不足以之於
 皎日將微蠹量海 未能窮盡於深
 淵者哉

御製

繼作聖教序
高明肇分三辰方乃序其次厚載初

定萬彙於以發乎端清濁之體既彰
善惡之源是顯然後以文物立其教
以正典化其俗利益之功同歸於理
於是乎像法來於西國真諦流於中
夏洞貫千古真實之理無以窮囊括
九圍玄妙之門莫能究言乎妄想則
五蘊皆空現乃真容則一毫圓滿廣
大之教豈能紀述者哉伏觀

太宗神功聖德文武皇帝法性周圓
仁慈普布化靈鮑則萬邦輻湊躋蒸
民於仁壽之鄉崇教法則四海雲從
惠蒼生於富庶之域見尊經之浩汗
設方便以救沉淪知法界之恢宏行
精進而攝懈怠乃擇其邃宇披彼真
文命天竺之高僧譯貝多之佛語象
管翻成於金字珠編復置於琅函龍
宮之聖藻惟新鷲嶺之苾芻仰歎由
是三乘共貫四諦同圓盡苦空真正之
言顯秘密精研之義讚相相乎實相
論空空乎盡空華嚴之理合軌輟金
像之教同規矩朕纘嗣
丕構恭臨寶圖常翼翼而撫地民每
兢兢而守

先訓以至釋典尤未精詳諒其幽深曷
能探測有譯經西域僧法賢奏章懇
切致意專勤以

先皇帝大闡真風高傳佛旨興前王
之墜典振覺路之頽綱欲旌天造之
功庸用廣

聖文之述作請予製序繼聖教焉自
聖考上僊追號因息政事之外何暇
經心今已禪除思臻微奧雖幼承慈
誨奈夙乏通才焉窮乎法海之津涯
莫造乎空門之閭域略敷大意以徇
輿情蹄涔不足擬浴日之波尺董豈
能量昊天之恩聊述矩序以紀聖功
者焉

佛說大集法門經卷下

西大講經義釋卷下佛說大集法門經卷下 本經

如是我聞一時世尊遊行至彼末利
城中與苾芻眾而共集會時彼城中
有一淨信優婆塞亦名末利於其城
內新造一舍種種嚴飾清淨寬廣是
舍先未曾有沙門婆羅門等安止其
中時末利優婆塞聞佛世尊與苾芻
眾遊行至此心生歡喜即詣佛所到

已頭面禮世尊足禮已合掌退住一
面白佛言世尊我是優婆塞名曰末
利我於世尊心生淨信我此城中新
造一舍清淨寬廣是舍先未曾有沙
門婆羅門等安止其中我今請佛及
苾芻眾於我舍住願佛世尊悲愍我
故受我所請

今時世尊默然而受時末利優婆塞
知佛默然受所請已即時頭面禮世
尊足右繞三匝出離佛會還彼舍中
重復嚴飾徧諸舍宇悉以香水散灑
其地內外一切普令清淨時末利優
婆塞如是嚴淨所造舍已還詣佛所
到已重復禮世尊足前白佛言世尊
先所造舍悉以香水散灑其地內外
清淨願佛世尊及苾芻眾往彼舍住
今正是時

今時世尊與大苾芻眾等恭敬圍繞
往彼末利優婆塞所造新舍到彼舍
已佛先洗足乃入其舍入已周匝普
徧觀察佛即於舍中間安詳而坐諸
苾芻眾亦各洗足次第而入禮佛足
已於佛後而次第而坐末利優婆塞

後入其舍禮世尊足合掌恭敬普徧

頂禮諸苾芻眾乃於佛前一而而坐
尔時世尊種種慰諭彼末利優婆塞
已即為如應宣說法要示教利喜時
末利優婆塞聞法歡喜心生淨信如
是世尊為彼優婆塞如應說法示教
利喜而過多夜佛即告言末利過是
夜已當自知時

是時末利優婆塞聞佛言已即從座
起禮世尊足合掌恭敬普徧頂禮諸
苾芻眾繞佛三匝出離佛會

尔時世尊見彼末利優婆塞離會未
久即告尊者舍利子言我此聲聞苾
芻已離睡眠皆是離塵清淨大眾若
諸苾芻樂說法者即當隨應而自宣
說隨所利益不應止息時尊者舍利
子受教而住

尔時世尊即以僧伽梨衣等為四襲
處師子牀右脇著地吉祥安隱累足
而卧佛卧未久尔時異處有外道尼
乾陀惹提子等於聲聞苾芻而生輕
謗欲作破壞欲興闢諍出非法語種
種毀謗作如是言我所知法彼聲聞

人不能了知彼所有法我如實知邪

行是汝正行是我有利益是我無利
益是汝汝所說法前言縱是後言即
非後言或是前言還非而不能作大
師子乳說法利益時尼乾陀惹提子
等欲興廣大闢諍因緣發如是等毀
謗語時各各相視面目慘惡復作是
言諸聲聞苾芻色相威儀而不寂靜
不能離貪未得解脫不能見法不能
善知彼出離道不能證彼所向聖果
彼所習法非正等正覺所說發如是
等毀謗語言興闢諍事

尔時尊者舍利子知是事已即自思
念如來大師宴卧未久不應以是因
緣而白世尊作是念已告諸苾芻言
汝等當知異處有諸外道尼乾陀惹
提子等於聲聞苾芻而生輕謗欲作
破壞欲興闢諍出非法語種種毀謗
彼作是言我所知法諸聲聞人不能
了知彼所有法我如實知邪行是汝
正行是我有利益是我無利益是汝
汝所說法前言縱是後言即非後言
或是前言還非而不能作大師子乳

說法利益諸苾芻彼尼乾陀惹提子

等欲興廣大闢諍因緣發如是等毀
謗語時各各相視面目慘惡復作是
言諸聲聞苾芻色相威儀而不寂靜
不能離貪未得解脫不能見法不能
善知彼出離道不能證彼所向聖果
彼所習法非正等正覺所說發如是
等毀謗語言興闢諍事諸苾芻汝今
當知我等諸聲聞大眾皆是離塵清
淨心者現證諸法善能了知諸出離
道各各已得所證聖果我等聲聞所
修習法一一皆是如來大師應供正
等正覺親所宣說一一真實而無虛
妄諸苾芻當知佛所宣說謂契經祇
夜記別伽陀本事本生緣起方廣希
法如是等法佛悲愍心廣為眾生如
理宣說而今眾生如說修習行諸梵
行利益安樂天人世間
復次諸苾芻當知一法是佛所說謂
一切眾生皆依食住此為一法如是
等法佛悲愍心廣為眾生如理宣說
而今眾生如說修習行諸梵行利益
安樂天人世間

復次二法是佛所說謂一名二色如是等法佛悲愍心廣為衆生如理宣說而令衆生如說修習行諸梵行利益安樂天人世間

復次三業是佛所說謂一者身業二者語業三者意業即此三業復有二種一善二不善何等為善謂身業善行語業善行意業善行何名不善謂身業不善行語業不善行意業不善行

復次三不善思惟是佛所說謂欲思惟瞋思惟害思惟

復次三善思惟是佛所說謂離欲思惟無瞋思惟不害思惟

復次三不善根是佛所說謂貪不善根瞋不善根癡不善根

復次三善根是佛所說謂無貪善根無瞋善根無癡善根

復次三漏是佛所說謂欲漏有漏無明漏

復次三求是佛所說謂欲求有求梵行求

復次三愛是佛所說謂欲愛色愛無

色愛

復次三界是佛所說謂欲界色界無色界

復次三不善界是佛所說謂染欲界瞋恚界損害界

復次三善界是佛所說謂無欲界無瞋界不害界

復次三有是佛所說謂欲有色有無色有

復次三聚是佛所說謂邪定聚正定聚不定聚

復次三受是佛所說謂樂受苦受非苦樂受

復次三苦是佛所說謂輪迴苦苦苦苦壞苦

復次三種欲生是佛所說謂現處欲欲生化樂欲欲生他化自在欲欲生

復次三種樂生是佛所說謂有衆生生生已受樂如人中一類是名第一樂生復有衆生長受喜樂此樂廣大

適悅慶快如光音天是名第二樂生復有衆生乃至盡壽受快樂足如徧淨天是名第三樂生

復次三種福事成就慧行是佛所說謂布施莊嚴成就慧行持戒莊嚴成就慧行禪定莊嚴成就慧行

復次三三摩地是佛所說謂有尋有伺三摩地無尋唯伺三摩地無尋無伺三摩地

復有三三摩地是佛所說謂空解脫三摩地無願解脫三摩地無相解脫三摩地

復次三住是佛所說謂天住梵住聖住

復次三根是佛所說謂未知當知根已知根具知根

復次三增上是佛所說謂世增上法增上我增上

復次三佛是佛所說謂過去諸佛未來諸佛現在諸佛

復次三言說事是佛所說謂過去言說事未來言說事現在言說事

復次三眼是佛所說謂肉眼天眼慧眼

復次三明是佛所說謂宿命智明衆生生滅智明漏盡智明

復次三通是佛所說謂神境通說法

通教誡通

復次三不淨是佛所說謂身不淨語不淨心不淨

復次三淨是佛所說謂身淨語淨心淨

復次三學是佛所說謂戒學定學慧學

復次三品是佛所說謂戒品定品慧品

復次三火是佛所說謂貪火瞋火癡火

復次三分位是佛所說謂生分位成

分位法分位如是等法佛悲愍心廣

為衆生如理宣說而今衆生如說修

習行諸梵行利益安樂天人世間

復次四念處觀是佛所說謂觀身不

淨無生起想調伏無明離煩惱受觀

如是

精進攝心志念而今一切增長圓滿
此名四正斷

復次四神足是佛所說謂欲三摩地
斷行具足神足精進三摩地斷行具
足神足心三摩地斷行具足神足慧
三摩地斷行具足神足

復次四禪定是佛所說謂若苾芻已
能離諸欲不善法有尋有伺此名第
一離生喜樂定若復苾芻止息尋伺
內心清淨安住一想無尋無伺此名

第二定生喜樂定若復苾芻不貪於
喜住於捨行身得輕安妙樂此名第
三離喜妙樂定若復苾芻斷除樂想
亦無苦想無悅意無惱意無苦無樂
此名第四捨念清淨定如是等名為
四禪定

復次四無量是佛所說謂若苾芻發
起慈心先於東方行慈南西北方四
維上下亦然行慈而彼慈心於一切
處一切世界一切種類廣大無量而

無邊際亦無分限此名慈無量悲喜
捨三亦復如是此等名為四無量
復次四無色定是佛所說謂若苾芻

難一切色無對無礙而無作意觀無

邊空此觀行相名空無邊處定復離

空處而非所觀但觀無邊識此觀行

相名識無邊處定復離識處而非所

觀但觀一切皆無所有此觀行相名

無所有處定復離無所有處行相名

為非想非非想處定如是名為四無

色定

復次四智是佛所說謂法智無生智

等智他心智

復次四安住是佛所說謂一切行安

住捨行安住寂靜行安住慧行安住

復次四聖諦是佛所說謂苦聖諦苦

集聖諦苦滅聖諦苦滅往向聖諦

復次四種布施清淨是佛所說謂有

布施者清淨非受者或有布施受

者清淨非施者或有布施亦非施者

亦非受者謂所施清淨或有布施施

者受者二俱清淨

復次四生是佛所說謂胎生卵生溼

生化生

復次四種母胎事是佛所說謂有能

了知入母胎事住母胎事出母胎事

此名第一母胎事有能了知入母胎事住母胎事不能了知出母胎事此名第二母胎事有能了知入母胎事不能了知住母胎事出母胎事此名第三母胎事有不能了知入母胎事住母胎事出母胎事此名第四母胎事如是等名為四種母胎事

復次四識住是佛所說謂色生色緣色住喜行廣大增長是識所住受生受緣受住喜行廣大增長是識所住想生想緣想住喜行廣大增長是識所住行生行緣行住喜行廣大增長是識所住如是等名為四識住

復次四法句是佛所說謂神通法句離慧法句平等法句平等三摩地法句

復次四娑摩那曩法是佛所說謂若現在樂此為苦報若現在苦此為苦報若現在苦此為樂報若現在樂此為樂報此名四娑摩那曩法
復次四向是佛所說謂無忍忍調伏寂靜
復次四神通道是佛所說謂苦遲緩

神通苦速疾神通樂遲緩神通樂速疾神通

復次四預流身是佛所說謂有一類預流於佛如來信心不壞不毀沙門婆羅門天人魔梵了知世法有一類預流心得清淨證得佛法正見正行各各了知自所修法有一類預流心生喜樂見在家者及彼出家持淨戒者心生尊敬有一類預流自修淨戒具足不壞智慧明利善相寂靜如是等名為四預流身

復次四沙門果是佛所說謂須陀洹果斯陀含果阿那含果阿羅漢果
復次四取是佛所說謂欲取見取戒禁取我語取

復次四三摩地想是佛所說謂有見法得樂行轉此為三摩地想有知見轉此為三摩地想有慧分別轉此為三摩地想有身得漏盡轉此為三摩地想

復次四力是佛所說謂慧力精進力無礙力攝力
復次四補特伽羅是佛所說有補特

伽羅謂我能修行我持戒我如法相應非他能修行非他持戒非他如法相應有補特伽羅謂他能修行他持戒他如法相應非我能修行非我持戒非我如法相應有補特伽羅謂我能修行他亦能修行我持戒他亦持戒我如法相應他亦如法相應有補特伽羅謂我不能修行他亦不能修行我不持戒他亦不持戒我不如法相應他亦不如法相應如是等名為四補特伽羅

復次四隨眾事是佛所說謂與眾同一住處與眾同一飲食與眾同一歡喜與眾同一受用

復次四大輪是佛所說謂善說妙法依止正士願心平等修先慧行

復次四攝法是佛所說謂布施愛語利行同事

復次四無礙解是佛所說謂義無礙解法無礙解樂說無礙解辯才無礙解

復次四煩惱是佛所說謂欲煩惱有煩惱見煩惱無明煩惱

大集法門經卷上

十六張

卅四行

復次四行是佛所說謂欲行有行見行無明行

復次四身聚是佛所說謂無明身聚瞋身聚戒禁取身聚一切著身聚

復次四愛生是佛所說謂有苾芻因彼衣服而生愛心起故即生取

著有苾芻因彼飲食而生愛心起故即生取著有苾芻因坐卧具而

生愛心起故即生取著有苾芻因諸受用而生愛心起故即生

取著此名四愛生
復次四食是佛所說謂段食觸食思食識食

復次四不護是佛所說謂如來不護身業身離諸過如來不護語業語離

諸過如來不護意業意離諸過如來不護壽命命無損減

復次四顛倒是佛所說謂無常謂常是故生起想顛倒心顛倒見顛倒以

苦謂樂是故生起想心見倒無我謂我是故生起想心見倒不淨謂淨是

故生起想心見倒如是等名為四顛倒

大集法門經卷上

第十九張

卅四行

復次四惡語言是佛所說謂妄言綺語兩舌惡口

復次四善語言是佛所說謂如實語質直語不兩舌語依法語

復次四非阿曳囉行是佛所說謂不見言見不聞言聞失念言記念不知

言知
復次四阿曳囉行是佛所說謂實見言見實聞言聞不失念言記念實知

言知
復次四記是佛所說謂一向記分別記返問記默然記如是等法佛慈愍

心廣為衆生如理宣說而令衆生如說修習行諸梵行利益安樂天人

世間
佛說大集法門經卷上

佛說大集法門經卷上

佛說大集法門經卷上

校勘記

一 底本，金藏廣勝寺本。

一 五九六頁中一行至次頁中一四行兩篇聖教序文，磧、普、南、徑、清無。

一 五九七頁中一五行「卷上」，徑無（不分卷）。卷末經名同。

一 五九七頁中一六行譯者，清作「宋西天三藏朝奉大夫試光祿卿傳法

大師施護奉詔譯」，卷下同。

一 五九八頁上一七行末字「住」，普作「任」。

一 六〇一頁上七行末字「事」下，徑有夾註「第一入北藏誤作人非」。



佛說大集法門經卷下

桓

西天譯經三藏經卷之九十四 佛說大集法門經卷下 薩婆本 譯

復次諸苾芻當知五取蘊是佛所說
謂色取蘊受取蘊想取蘊行取蘊識
取蘊

復次五欲是佛所說謂眼見於色心
喜樂欲以樂欲心取著色塵耳聞於
聲鼻嗅於香舌了於味身覺於觸亦
復如是

復次五障是佛所說謂樂欲障瞋恚
障睡眠障惡作障疑惑障

復次五種煩惱分結是佛所說謂樂
欲煩惱分結瞋恚煩惱分結有身見
煩惱分結戒禁取煩惱分結疑惑煩
惱分結

復次五慳是佛所說謂飲食慳善事
慳利養慳色相慳法慳

復次五受根是佛所說謂樂受根苦
受根喜受根憂受根捨受根

復次五勝根是佛所說謂信根精進
根念根定根慧根

復次五力是佛所說謂信力精進力

念力定力慧力

復次五學力是佛所說謂信學力精
進學力念學力定學力慧學力

復次五出離界是佛所說謂有苾芻
具多聞者不能見苦其心容受未能
離欲隨諸欲境起所欲心不退不沒
未能解脫即以此緣後復能觀所有
欲境起離欲心欲心退沒愛樂解脫
善作正行得心解脫解脫心起乃能
遠離不相應法住無欲心以是義故
由欲為緣引生無漏有苾芻具多聞
者不能見苦其心容受未能離瞋於
違礙境起瞋恚心不退不沒未能解
脫即以此緣後復能觀諸違礙境起
離瞋心瞋心退沒愛樂解脫善作正
行得心解脫解脫心起乃能遠離不
相應法住無瞋心以是義故由瞋為
緣引生無漏有苾芻具多聞者不能
見苦其心容受未能離言於不可意
境而起害心不退不沒未能解脫即
以此緣後復能觀諸不可意境起不
害心害心退沒愛樂解脫善作正行
得心解脫解脫心起乃能遠離不相

大集法門經卷下

第三十

釋名

應法住不害心以是義故由害為緣引生無漏有苾芻具多聞者不能見若其心容受未離色相於諸色境起著色心不退不沒未能解脫即以此緣後復能觀彼色境界起離色心色心退沒愛樂解脫善作正行得心解脫解脫心起乃能遠離不相應法住離色心以是義故由色為緣引生無漏有苾芻具多聞者不能見若執著有身未離身相而於有身起實有想不退不沒未能解脫即以此緣後復能觀有身當滅起身滅想執心退沒愛樂解脫善作正行得心解脫解脫心起乃能遠離不相應法住身滅想以是義故有身為緣引生無漏如是等名為五出離界

復次五解脫處是佛所說謂有苾芻於說法師所親近承事尊重恭敬修習梵行暫無止息隨其親近承事即得利益若時間師宣說正法心生喜樂起重法想隨生彼心未能廣大聽受記念但於其中能知一法隨知一法即解一義若不解其義即不能於

大集法門經卷下

第三十

釋名

法而生喜心是故解了其義心生歡喜以心喜故身得輕安由身輕安即樂受相應由樂受故心住三摩四多住彼心故能如實知復如實觀如實觀故即離塵離貪得解脫智解脫智起即得我生已盡梵行已立所作已辦不受後有有苾芻於說法師所親近承事尊重恭敬修習梵行暫無止息隨其親近承事即得聞法隨其所聞心生喜樂起重法想隨生彼心能於其中廣大聽受廣大記念隨知諸法即解諸義若不解諸義即不能於法而生喜心是故解了諸義心生歡喜以喜心故身得輕安由身輕安即樂受相應由樂受故心住三摩四多住彼心故能如實知復如實觀如實觀故即離塵離貪得解脫智解脫智起即得我生已盡梵行已立所作已辦不受後有有苾芻於說法師所親近承事尊重恭敬修習梵行暫無止息隨其親近承事即得聞法隨其所聞心生喜樂起重法想隨生彼心而能廣大聽受記念復能一一如實解

大集法門經卷下

第三十

釋名

了諸義廣為他人分別演說若不解諸義即不能於法而生喜心是故解了諸義心生歡喜以心喜故身得輕安由身輕安即樂受相應以樂受故心住三摩四多住彼心故能如實知復如實觀如實觀故即離塵離貪得解脫智解脫智起即得我生已盡梵行已立所作已辦不受後有有苾芻於說法師所親近承事尊重恭敬修習梵行暫無止息隨其親近承事即得聞法隨其所聞心生喜樂起重法想隨生彼心而能廣大聽受記念復能一一了知隨知諸法即解諸義廣為他人分別演說若不解諸義即不能於法而生喜心是故解了諸義心生歡喜以心喜故身得輕安由身輕安即樂受相應以樂受故心住三摩四多住彼心故能如實知復如實觀如實觀故即離塵離貪得解脫智解脫智起即得我生已盡梵行已立所作已辦不受後有有苾芻於說法師

所親近承事尊重恭敬修習梵行暫無止息隨其親近承事即得聞法隨其所聞心生喜樂起重法想隨生彼心而能廣大聽受記念心住一境不退不退於所聞法隨尋隨伺發生正慧已復能於彼別三摩地門善住攝心隨所住心轉復增勝即於諸法一一了知隨知諸法即解諸義廣為他人分別演說若不解諸義即不能於法而生喜心是故解了諸義心生歡喜以心喜故身得輕安由身輕安即樂受相應以樂受故心住三摩地多住彼心故能如實知復如實觀如實觀故即離塵離貪得解脫智解脫智起即得我生已盡梵行已立所作已辦不受後有如是等名為五解脫處復次五趣是佛所說謂地獄餓鬼畜生人天

復次五淨居是佛所說謂無煩無熱善見善現色究竟

復次五士夫入法是佛所說謂中入生入有行入無行入上流入此名五士夫入法如是等法佛悲愍心廣為

眾生如理宣說而令眾生如說修習行諸梵行利益安樂天人世間

復次內六處是佛所說謂眼處耳處鼻處舌處身處意處

復次外六處是佛所說謂色處聲處香處味處觸處法處

復次六識是佛所說謂眼識耳識鼻識舌識身識意識

復次六觸是佛所說謂眼觸耳觸鼻觸舌觸身觸意觸

復次六受是佛所說謂眼觸為緣所生諸受耳觸為緣所生諸受鼻觸為緣所生諸受舌觸為緣所生諸受身觸為緣所生諸受意觸為緣所生諸受

復次六想是佛所說謂色想聲想香想味想觸想法想

復次六愛是佛所說謂色愛聲愛香愛味愛觸愛法愛

復次六悅意處是佛所說謂見可愛色是悅意處聞可愛聲是悅意處嗅可愛香是悅意處了可愛味是悅意處覺可愛觸是悅意處分別善法是

悅意處

復次六不悅意處是佛所說謂見不可愛色是不悅意處聞不可愛聲是不悅意處嗅不可愛香是不悅意處了不可愛味是不悅意處覺不可愛觸是不悅意處分別不善法是不悅意處

復次六捨行是佛所說謂見色行是色捨處聞聲行是聲捨處嗅香行是香捨處了味行是味捨處覺觸行是觸捨處知法行是法捨處

復次六念是佛所說謂念佛念法念僧念戒念施念天

復次六行是佛所說謂見行聞行利益行學行分別行念行

復次六離塵法是佛所說謂若慈觀現住身業行慈從初修習所有梵行堅固不壞有慈觀現住語業行慈從初修習所有梵行堅固不壞有慈觀現住意業行慈從初修習所有梵行堅固不壞有慈觀如法受利如法乞食隨有所得如法而食任持自行遠離非法從初修習所有梵行堅固不

大智度論卷下 第九

壞有苾芻修淨戒行不毀不壞離諸
過失增益善力隨諸所行戒行具足
從初修習所有梵行堅固不壞有苾
芻不著身見作出離想求斷苦盡隨
諸所行不住諸見從初修習所有梵
行堅固不壞如是等名為六離塵法
復次六種闕諍根本是佛所說謂有
一類補特伽羅自樂作罪又樂親近
彼作罪人常欲他人愛敬於已有一
類補特伽羅自樂作罪又樂親近彼
作罪人常欲他人愛敬於已又復不
尊敬佛不尊敬法不能觀法有一類
補特伽羅自樂作罪又樂親近彼作
罪人常欲他人愛敬於已又復樂欲
與僧闕諍有一類補特伽羅具有諂
誑慳嫉覆等諸隨煩惱及身見邪見
邊見見取不能遠離有一類補特伽
羅具身見等起顛倒心又復不尊敬
佛不尊敬法不能觀法有一類補特
伽羅具身見等起顛倒心又復常樂
與僧闕諍如是等名為六種闕諍根
本

有苾芻作如是言我修慈心解脫觀
隨所作事皆如實知發起精進慈心
對治我於瞋心而悉能盡為由如是
慈心解脫觀故所有瞋心無處容受
而但觀彼慈心現前是故瞋心不於
是處有所生起何以故由彼慈心出
離因故有苾芻作如是言我修悲心
解脫觀隨所作事皆如實知發起精
進悲心對治我於害心而悉能盡為
由如是悲心解脫觀故所有害心無
處容受而但觀彼悲心現前是故害
心不於是處有所生起何以故由彼
悲心出離因故有苾芻作如是言我
修喜心解脫觀隨所作事皆如實知
發起精進喜心對治我於不喜心而
悉能盡為由如是喜心解脫觀故所
有不喜心無處容受而但觀彼喜心
現前是故不喜心不於是處有所生
起何以故由彼喜心出離因故有苾
芻作如是言我修捨心解脫觀隨所
作事皆如實知發起精進捨心對治
我於欲貪之心而悉能盡為由如是
捨心解脫觀故所有欲貪之心無處

大智度論卷下 第十

容受而但觀彼捨心現前是故欲貪
之心不於是處有所生起何以故由
彼捨心出離因故有苾芻作如是言
我修無相心解脫觀隨所作事皆如
實知發起精進無相心對治我於取
相之心而悉能盡為由如是無相心
解脫觀故所有取相之心無處容受
而但觀彼無相心現前是故取相之
心不於是處有所生起何以故由彼
無相心出離因故有苾芻作如是言
我修決定行以決定法對治我於疑
惑之心而悉能盡為由如是決定行
故所有疑惑之心無處容受而但觀
彼決定心現前是故疑惑之心不於
是處有所生起何以故由彼決定心
出離因故如是等名為六種對治出
離界如是等法佛悲愍心廣為衆生
如理宣說而今衆生如說修習行諸
梵行利益安樂天人世間
復次七覺支是佛所說謂念覺支擇
法覺支精進覺支喜覺支輕安覺支
定覺支捨覺支
復次七三摩地緣是佛所說謂正觀

大智度論卷下 第十一

察正籌量正言說正施作正活命正
勇猛正念住

復次七解脫行想是佛所說謂不淨
想死想飲食不貪想一切世間不可
樂想無常想無常苦想苦無邊想
復次七力是佛所說謂信力念力無
畏力精進力忍力定力慧力

復次七種補特伽羅是佛所說謂心
解脫俱解脫慧解脫身證信解脫法
行信行

復次七識住是佛所說謂種種身種
種想即欲界人天是識所住種種身
一想謂初禪天是識所住一身種種
想謂二禪天是識所住一身一想謂

三禪天是識所住空無邊處天是識
所住識無邊處天是識所住無所有
處天是識所住此名七識住如是等
法佛悲愍心廣為眾生如理宣說而
令眾生如說修習行諸梵行利益安
樂天人世間

復次八解脫是佛所說謂內有色想
觀外色解脫內無色想觀外色解脫
淨解脫具足住空無邊處解脫識無

邊處解脫無所有處解脫非想非非
想處解脫想受滅解脫

復次八勝處是佛所說謂內有色想
觀外色少作是觀時起勝知見是為
勝處內有色想觀外色多作是觀時
起勝知見是為勝處內無色想觀外
色少作是觀時起勝知見是為勝處

內無色想觀外色多作是觀時起勝
知見是為勝處內無色想觀外色青
所謂觀如烏摩華及青色衣於二分
青中皆是青顯青現青光廣多清淨

作是觀時起勝知見是為勝處內無
色想觀外色黃所謂觀如訖哩瑟拏
阿迦囉華及黃色衣於二分黃中皆
是黃顯黃現黃光廣多清淨作是觀

時起勝知見是為勝處內無色想觀
外色赤所謂觀如滿度吟縛迦華及
赤色衣於二分赤中皆是赤顯赤現
赤光廣多清淨作是觀時起勝知見
是為勝處內無色想觀外色白所謂

觀如白色華及白色衣於二分白中
皆是白顯白現白光廣多清淨作是
觀時起勝知見是為勝處如是等名

為八勝處
復次八種世法是佛所說謂利衰毀
譽稱譏苦樂

復次八正道是佛所說謂正見正思
惟正語正業正命正精進正念正定
此名八正道如是等法佛悲愍心廣
為眾生如理宣說而令眾生如說修
習行諸梵行利益安樂天人世間

復次九眾生居是佛所說謂種種身
種種想即欲界人天是眾生居種種
身一想謂初禪天是眾生居一身種
種想謂二禪天是眾生居一身一想

謂三禪天是眾生居空無邊處天是
眾生居識無邊處天是眾生居無所
有處天是眾生居非想非非想處天
是眾生居及無想天是眾生居此名

九眾生居如是等法佛悲愍心廣為
眾生如理宣說而令眾生如說修習
行諸梵行利益安樂天人世間
復次十具足行是佛所說謂不壞正
見不壞正思惟不壞正語不壞正業

不壞正命不壞正精進不壞正忍不
壞正定不壞正解脫不壞正智此名

大集法門經卷下 第五張 恒字

十具足行如是等法佛悲愍心廣為
衆生如理宣說而今衆生如說修習
行諸梵行利益安樂天人世間
尔時世尊知尊者舍利子為諸苾芻
如應說法已佛即從其寔卧安詳而
起告尊者舍利子言善哉善哉舍利
子如汝所說是佛所說此法名為大
集法門後末世中能與衆生作大利
益於後末世我諸苾芻修梵行者應
當於此大集法門受持讀誦宣通流
布又舍利子後末世中若人得此大
集法門受持者是人於未來諸佛法
中為淨信善男子於佛教法深生愛
樂廣大開曉心大歡喜尔時諸苾芻
聞佛稱讚此大集法門已歡喜信受
禮佛而退

佛說大集法門經卷下

佛說大集法門經卷下

校勘記

- 一 底本，金藏廣勝寺本。
- 一 六〇三頁中一行經名、二行譯者，
〔徑無（不分卷）〕。
- 一 六〇三頁下五行「多聞」，〔南作「名聞」〕。
- 一 六〇三頁下一四行「觀諸」，〔南作「遠離」〕。
- 一 六〇六頁上二二行「本」下，〔徑有夾註「第一又北藏誤人非」〕。
- 一 六〇六頁中一〇行首字「由」，〔普、南、徑、清作「生」〕。
- 一 六〇七頁上一〇行末字「行」下，〔徑有夾註「闕疑北藏連下」〕。
- 一 六〇八頁上末行卷末經名「卷下」，〔徑無〕。